



## Inatsisartunut ilaasortat

### **Soraarnerussutisiaqarnissamut aaqqissuussinermut pinngitsoorani ilaanissaq pillugu Inatsisartut inatsisaat malillugu ileqqaagassarititaasut naammassinngitsuukkat, akiliisarnerup 2028-mi naasussap unitsikkallarneraqarnera pillugu allakkatigut akissut.**

Brevdato: 02-06-2026  
Sagsnr. 2025 - 15321  
Akt id. 26544056

P. O. Box 1037  
3900 Nuuk  
Tel. (+299) 34 50 00  
Fax (+299) 34 63 50  
E-mail: oed@nanaoq.gl  
www.naalakkersuisut.gl

Ulloq 20. maj 2026 akunnermi apeqqarissaarfimmi 2026-mi 2027-milu akiliisitsisarnerup unitsikkallarneraqarnerata kingorna ileqqaagassarititaasut naammassineqanngitsut qanoq pissanerat pillugu apeqqutip kingorna allakkatigut akissuteqarfiginissaa neriorsuutigaa.

Akilerartarnermut Aqutsisoqarfiup ataasiakkaat ukiuni pineqartuni soraarnerussutisiaqarnissamut aaqqissuussinermut pinngitsoorani ilaanissaq pillugu Inatsisartut inatsisaat malillugu ileqqaagassatut pisussaaffigisaat suli naatsorsortassavaa. Innuttaasut soraarnerussutisiaassanut aaqqissuussinermut akiliinikipallaartut taamaammat ileqqaagassaritaminnik naammassineqanngitsumik naatsorsuiffiqeqartassaput.

Kingusinnerusukkat inatsit allangortinneqanngippat, ileqqaarneqartussaataasooq taanna 2028 aallarnerfigalugu skattekortip qaffanneratigut imaluunniit akileraarut B-mik akiliisitsinerit qaffanneqarneratigut akilersinneqartassaaq.

Inatsisinilli allanguinerit soraarnerussutisianut immikkoortumut immikkut ilisimasallit sulinerisa naammassinerisa kingorna aamma ajornartorsiummik tassannga isiginninniartarnissaat ilimagineqarpoq.

Ileqqaagassarititaasulli naammassineqanngitsoortut pisortanut akiitsuunnginnerat erseqqissaatigineqassaaq. Akerlianik ataasiakkaat nammineq soraarnerussutisiaassanut aaqqissuussaminut aningaasanik akiligassatut pisussaaffii matumani pineqarput. Taamaammat aningaasat pisortat akiliisitsiniarnermik aaqqissuussaat (inkasso) aqutigalugu akilersinniarnaqartassanngillat.

Unitsitsigallarneq pingaarnertut innuttaasut ukiuni isertitaqarfiusuni 2024-mi 2025-milu ileqqaartussaannermut pisussaaffiit tunngavoq. Tamanna ukiumut isertitaqarfiusumut 2024-mut ileqqaartussaannermut pisussaaffiup aatsaat 2026-mi akiligassanngortinneqarsinnaaneramik patsiseqarpoq, 2025-mullu ileqqaartussaannermut pisussaaffik aatsaat 2027-mi akiligassanngortinneqarsinnaavoq. Inatsisinik allanguineq UPA2026/12-itut suliarineqartoq, akiliisitsisarnermik tassannga unitsitsigallarpoq.

Innuttaasut soraarnerussutisianik katersinissamut aaqqissuussinermut akiliinikipallaartut, ukiumut isertitaqarfiusumut 2024-mut ukiumoortumik naatsorsukkakkut soraarnerussutisiaassanut katersinermut aaqqissuussamut aningaasat

sinnerinik akiliinissamut kaammattorneqarput. Tamanna aamma 2026-mut ukiumoortumik naatsorsuinermi, 2026-mi aggustimi nassiunneqartussami pissaaq.

Innuttaasut sulii ukiunut pineqartunut ileqqaagassatut pisussaaffimminnik naammassineqanngitsumik soraarnerussutisiaqalernissamut aaqqissuussamut aningaasanik amigaataasunik akiliinerminnut oqimaaqatigiissitsisinnaapput, uppernarsaallu Akileraartarnermut Aqutsisoqarfimmut nassiullugu. Paasissutissat erseqqinnerusut pillugit una innersuussutigineqarpoq:

[https://aka.gl/emner/borger/pension/obligatorisk-pension?sc\\_lang=kl-gl](https://aka.gl/emner/borger/pension/obligatorisk-pension?sc_lang=kl-gl)

Inussiarnersumik inuulluaqqusillunga



Aqqaluaq B. Egede